

ԿԱՐԱՊԵՏ ՎՐԴ. ԱՏԻՇԵՑԻ, (Աղղընի Մասհնի Թեո).—Մբ. 1837 ին Ս. Յակոբի վանքին կը կտակէ Պոլիս ունեցած իր մէկ խանութը, ըստ նամակի Ատիշեցի Մարտիրոս քհ. ի (Թ. ՌՄՁԶ = 1837):

ԿԱՐԱՊԵՏ ՎՐԴ. ԿԱՅԾԱԿՆ, ԿԵՍԱՐԱՅԻ ? .—Մբ. 20. 1802 ին, Վանեցի Թէոդորոս պարք.էն. 1822 ին կ'սկսի պաշտօնաւարել Գահիրէ և շրջակաները. 1854 ին կը վախճանի:

ԿԱՐԱՊԵՏ ՎՐԴ. ԿԱՐԲԵՑԻ.—Մբ. 1776 ին կը ձեռնադրուի եպօ. Նւ. Կարնոյ, Կարօի եւ Վանայ 1793 ին, տեսնել (Դիւան, Գիրք Ը. էջ 48):

ԿԱՐԱՊԵՏ ՎՐԴ. Տ. ՎԱՐԴԱՆԵԱՆ, ԿԱՐՆԵՑԻ.—Մբ. Նւ. Կարնոյ, Տրապիզոնի և Կիւմիւշխանէի (1793—95):

ԿԱՐԱՊԵՏ ՎՐԴ. ՄՇԵՑԻ.—Մբ. 20. 1814 ին:

ԿԱՐԱՊԵՏ ՎՐԴ. ՄՈԿԱՅԻ, ԿԱԼՕԵՆՑ.— Ծնողքն են Մեարոյ և Ալսոն, եղբայրները՝ Խաչատուր և Հեռապետ, քոյրերը՝ Յիւնախ, Վարդ, Մարիամ, հօրեղբայրը՝ Սրապիոն, օրդիքը՝ Աւագ և Մխիթար. (ՄՁ. Թ. 100). Աշկ. Ապարանցի Սիմէոն վրդ. ի (+ 1637) որ կը կոչուի պրոէքթիստ (ՄՁ. Թ. 100). 1629 ին ուխտաւորութեամբ կ'այցելէ Ս. Յակոբի վանքը (ՄՁ. Թ. 295). Գրիգոր Պարոնտէր պարք.էն Նւ. կը կարգուի (ՄՁ. Թ. 1919): Դարանաղցին այսպէս կը վկայէ անոր մասին. «Է բազում ժամանակ է որ յերուսաղիմայ սպասաւորութիւն կ'աւանէ. յամենայն երկիր ընթանալով. չըջեալ ողորմութիւն խնդրելով վասն սուրբ Յերուսաղիմայ կարեացն և պիտոյիցն և ծանր հարկապահանջութեան աղազաւ: Մէկ երկու ամ մի ի չուրջ գալով եւ մէկ ամ նստելով. այսպէս ուխտ տրարեալ: Որպէս ի թվին (ՌՀԸ = 1629) յըստամպօլս այլ երեկ նուիրակութեան աղագաւ. նա որպէս զառաքեալ յԱստուծոյ ընկալան... եւ մէկ ամ ու կէս եկաց յըստամպօլ. և յԱտրանայ և մեր յԸռատող... և այլ ուրեք ոչ կամեցաւ գնալ վասն խառնափնդոր չփոթմանցն ի պատրիարքական երկիւղիցն, որ կամէին խարկանօք յափշտակել ի հաւաքեալ ընչիցն Յերուսաղիմայ, վասն որոյ չուտ ելաւ գնաց ի հետ ուխտաւորացն ծովով յերուսաղէմ.» (էջ 394-95): Մոկացի Կարապետ վրդ. ի հմտու-